



國家清史編纂委員會·文獻叢刊

清代詩文集彙編

國家清史編纂委員會·文獻叢刊



清代詩文集彙編

《清代詩文集彙編》編纂委員會編

上海古籍出版社

清代詩文集彙編 六三〇

桐華舸詩鈔八卷附明季詠史詩鈔一卷桐華舸詩續鈔八卷附

桐華舸遺詩一卷桐華舸褒忠詩鈔一卷 鮑瑞駿撰

舒蓺室雜著甲編二卷舒蓺室雜著乙編二卷舒蓺室雜著賸稿一卷舒蓺室

詩存七卷索笑詞二卷覆甌集續刻十二卷舒蓺室雜存一卷 張文虎撰

尉山堂稿十四卷 萬斛泉撰

六八七

三〇一

一

序

羲絃輟響正聲遂希太璞韞精越石斯寶節族闡綬龔
俗眩愚自命作家芥視流輩詩之橫決迺至於斯材匪
兼人誰其正之桐舟先生家於黃山夢吞丹篆中落之
慨交戰乎統藥孝廉之船往來於京洛閱歷日富研都
愈工性命所依作吏不廢凡厥素蘊一寓於詩步月崑
而五嶽失其隆餐雲腴而八珍澹其味胎息最正標寄
獨高蔚爲一家之言欲駕三唐而上鴻朗辦香之祝積
有歲年縞帶之歡喻諸水乳卒讀全稿不能已於言焉

桐華舸詩鈔序

夫履原有迹迹非履也馬固有白白非馬也庖丁解牛
謂之懸解師涓聞雉諶以中聲落花無言表聖領其至
趣庭草隨意阿麼妙能審音河梁汾水之篇錦瑟洞房
之作譬之八瀆如屋漏痕以擬三乘得閻密藏確有可
據非同捕風惜且不知遂至捫燭先生日中定晷夜半
傳衣淑離不滌威返合度契其微而無絃之韻可以振
空山通其變則不火之墟可以鑠金石劉彥和有言陶
鈞文思貴在虛靜攻其得力意在斯乎而或以賸句蕉
萃專思鬱湮少之不知語貴因心士羞借面先生骨原

桐華舸詩鈔

似鶴金每生魚說鄰家之飯香喜破胸之月漏語雖郊

島才則杜韓重以監門圖成念家山破別風淮雨橫集
於胸中項蹶羸顛悲歌於座上古之太史定載以輔軒
後有子雲將資其折證而况春陵示吏無非繆繆之忠
郭杜襄人大得風雲之氣者乎於序寸心千古豈是空
言學詩大愚方憂騰笑不意鄙人之癖乃爲先生所同
指月爲師因符得契黃鶴並舉碧天四空相知之深相
得之樂豈特蘭蕙之香交淄澠之味合已哉爰標大旨
輒弁小文性不好諛徑擬讓君八斗論將自定蓋思託
以千秋此集必傳吾言不易自非予晏弗以示人歲在
昭陽大淵獻壯月朔有四日古鹽官王鴻朗序

桐華舸詩鈔序

序

女兄之婿鮑桐舟司馬哀其所爲詩若干卷以示余曰
吾幼而嗜此專精畢力垂四十年至今日而粗幸其有
成愍夫來者之無聞而日力之可惜也將梓而行之則
嫌於好名子其謂我何余曰詩之爲教本乎性情性情
之故必求其至者學詩者宗老杜非特語言文字之工
亦其性情有獨至也

國初以來詩人輩出新城司寇首以王孟爲標準天下
靡然從風不善學者徒孺聽於聲色之間而性情遂流
補華庸詩錄

於僞又閱百餘年而袁蔣趙三家者出思矯新城之弊
務爲瀾翻較激之詞天下亦靡然從風不善學者逞其
胸臆惟所欲言於是情多而性少流於僞者其性猶可
復也情多而性少則將恣情以害性而詩教之衰且陵
遲而不可揀余與君以潘楊之誼遊處日久知君至性
過人而發於情者必介然有以中乎節故能和易而不
流宜其詩之適相肖也雖然君之詩有不僅繫乎天授
者矣君少長華廕多接通儒精求其本源而剖析其利
病有名山大川以助其奇有風雲花鳥以壯其采又不

幸家中落釋褐後連蹇於禮部試久之始出爲令既仕
而愈困其羈愁駭屑摧撞拂鬱又足以激宕其中之所
存由是贈藻縟節應物不匱修章窄構隨變雜施持原
以往扶質以立陰陽開闔神鬼出沒觀者迴腸盪氣而
精求之則皆自道其性情合諸溫柔敦厚之旨而無戾
猶以爲未足也前賢之矩式步式趨蓋漸向專屬乎杜
陵而嚆矢於王谿昌谷以闢其樊浸淫於太白昌黎東
坡以宣其闕又返而折衷於東野以爲不如是則其教
不嚴而其道不尊嘗謂余曰老杜之詩如閭闔九天衣

冠萬國唐宋以來諸大家則如羣侯之散處於天下各
稟正朔以暢其設施而東野則如虎賁之士執戈將鐸
以衛王宮者焉欲範性情者必先祛外物之蔽得東野
以輔杜陵其汜除滌蕩之功足以祛一切之蔽而貌爲
閔肆者不得而託焉蔽既祛則性情之眞出而性情之
流於僞與夫情多而性少者皆失聲卻步不敢自外於
四始六義之歸嗚呼其論如此其詩可知其性情又從
可知已秘而自怡奚以振一世之詩教且集非手定無
慘牽牽之作後之人或屨於其閒而一己之性情反隱

若夫好名之譏必不出於巨眼浮游之口則有之矣君於一世之詩教一己之性情不之恤而恤夫浮游之口之言乎君笑曰諾乃撰次而爲之序

同治五年歲在丙寅冬十月瘦梅弟汪鴻逵敘於都門宣武坊南寓舍

桐華舸詩鈔

序

三

序

論詩如選將名將難大將尤難世所稱名大家者亦猶是也同年陳晴丈太守曾索觀先世父覺生公詩謂余曰吾閱近人詩多矣獨此卷可稱大家晴丈蓋深知此中甘苦者吾鄉多詩人率以桐城劉海峯先生爲宗世父亦嘗私淑之世父而後家有專集者指不勝屈里人或謂之鮑派族弟桐舟尤吾宗之傑出者也弟沈酣書史一皆資以爲詩族叔絜齋先生庭訓甚嚴又以提倡風雅爲己任一時如程瑤田汪稚川胡城東諸名流皆桐華舸詩鈔

序

與之游以弟能詩甚喜特命從籍籍金明經學明經蘧於詞章爲世父所稱許弟每以未侍世父爲憾然卽謂弟詩爲波瀾莫二也可弟自弱冠後家中落飢驅奔走悲懽離合之感胥於詩寫之每一詩出在人意中復出入意外聞游黃山諸作最奇惜稿多散佚存者尙不及二三癸卯歲計偕入都始與余晤懽若同胞比官山左雖浮沈人海而應官之暇杜門吟哦不以生計自累有所作輒寄示余余糾其失必立時改定郵筒絡繹不絕所刊明季詠史畧見一斑茲以全稿付梓復問序於余

余惟詩至我

朝稱極盛矣別裁偽體上親風雅或以神韻勝或以格律勝或以才華勝無體弗備亦無格不工大率緣本性情自成馨逸弟於名家林立後乃能特樹一幟其精嚴若退之其堅削若東野其倜儻與哀豔又若長吉若義山而筆力之雄大氣體之沈鬱則一以少陵為歸復導其源於靈均往往出新意於古法之中七律一體尤畦町自闕前無古人更歷百年猶當在紙上岌岌震動日久論定非阿好之私言也雖然數年來使弟早任繁劇則簿書鞅掌所詣未必遽若是蒼蒼者或有意玉成乎是不特世父之遺緒未湮即海峯先生之詩教亦不至久而失墜此日已卓然名家更假數年學力安知不成大家惜不起晴丈於九京而質之同治四年十月兄

康序

桐華舸詩鈔卷一

歎鮑瑞駿桐舟

晚眺

人語水聲裏歸樵爭渡喧返照上高岫晚煙遮遠村

太白酒樓

樓在徽郡城外普濟橋西岸李太白訪許宣平故址也

流水猶鳴萬古愁下即碎滿橋風月屬高樓半城白屋

吞荒堞兩岸青山勒去舟才到能仙仍嫉妒酒堪知己

不公侯宣平何處尋行迹雲樹蒼茫古渡秋下游有太白問津處

有感

巖下人家靜掩扉水田漠漠鷺孤飛野花未識春歸去

桐華舸詩鈔卷一

紅徧山腰不肯稀

竺溪雜興

溪山勝如此雨霽秋容澄風定涼葉墮潭清孤月疑確

明林後火犬吠夜歸僧漏盡不成寐敲棋自剔燈

寄樂樓望月感懷

樓枕晴潭月色寒卷簾深夜獨凭闌林搖樵火隨隄出

溪納鐘聲到岸殘負氣直疑天可問平情祇覺劍休看

清輝如許誰相賞自古論交寂寞難

陰晴圓缺總如新荏苒三秋未了因意氣會須傾李白

頭顱何事問嚴遵對棋死別兼生別謂陳雨亭并亡友胡壽如秉燭
今人更古人不讀招魂已心醉蕭蕭南雁斗牛津

秋夜與仇良山如全胡研芸 邢桓溪橋散步

涼宵迥蕭瑟乘興出山居野店明孤火清溪響夜漁隔
籬人語靜點袂聲疏鐘梵前林起西風送步虛

秋草

西風人去也銷魂搖落難堪是燒痕遠水碧消新斷岸
夕陽黃上古平原池塘猶寫無情夢霜雪終留不死根
待到明年二三月青青依舊百花村

桐華廟詩鈔

卷一

五

秋蟬

吟到荒涼未肯消長隄盡日氣猶驕居高最怯風侵影
清極何妨露滿條幾縷暮煙山寂寂一聲寒啓葉蕭蕭
白門冷落惟疏柳誰向斜陽問六朝

慈光寺晚晴

松竹青四圍憑樓鳥啼靜微雨帶孤雲夕陽在峯頂
山笈聲漸疏煙霞發奇想落葉潭上來白雲滴清響

由小心坡宿文殊院

回首失來徑煙嵐互窈冥摩厓爭鶻起梯木怯熊經雨

鬱萬松紫日迴孤洞青天風聲獵獵疑作步虛聽

忽驚星斗大萬壑已黃昏疏磬入林靄歸雲生澗痕培
崩獲攬枕燈黑鬼開門是夜誰識山深處秋曉不溫所見

始信峯紀游峯在黃山後海

一峯鶴孤蹲若啄天都背碧然兩厓開中鎖雲巖隄下
削根虛無倒漏天光晦一松蜿蜒來跨空通石岩步虛
甕有聲微風吹欲墜蛇行鱗鬣中半趾不在內不知何
年月平缸取而代翻翻長竿懸冉冉飛鳥礙俯瞰深碧
深如有濤澎湃爆竹轟一鳴萬谷凍雷碎古鬼忽啾啾
是誰投以塊昔有麗田生彈琴激晴籟傳說月明時羣
眞蕩成靄至今壁上苔斑駁字如疥迴立心懔然仰天
發長喟人世忌孤立繫援尤所戒松以接引名其傲毋
乃太天因摧折之隱劃仙凡界庶知高處危幽探到者
退

鳳山看芙蓉

人面謾相識忽於初地逢橋擊孤塔穩徑夾萬花濃木
末峯秋色霜華幻冶容琳宮金碧晚紅上隔墻松

游朱坊清泉寺

雨過萬峯淨
心麋鹿羣
小橋入黃葉
斷澗積寒雲
閣迴懸厓出
松疏積靄分
佛燈深殿碧
鐘梵帶泉聞

竺溪卽事

竹深聽盡子規啼
雨黑春宵確響低
門外不知新漲到

一星漁火徙橋西

雲鱗隱隱月如鈎
蕭瑟溪山入早秋
林表炊煙忽明處

鐘聲紅出夕陽樓

夜排蟹簞曉撈蝦
開盡汀洲枳殼花
秋鱖又肥流水淺

錚然石縫戛漁叉

桐華廟詩集卷一

四

蘭陵道中

一帆如笏水平隄
小港分流樹影低
負郭人家排兩岸

市中心橋與酒樓齊

高郵夜泊

隄外湖光動碧空
露筋祠畔泊孤蓬
白蓮十里月初上

風定荻蘆聞遠鴻

秋日宿餘杭

夢裏思歸切
中宵路易迷
孤燈隔牕雨
殘柝滿城雞
入世誰鍼芥
驚心况鼓鼙

時海氛不靖

五更愁欲起
滑滑怯霜

蹄

吳興口號

一驛一村落日家
半水濱野橋低似艇
桑樹短於人酒

喜隨船買絲看入市
新此中衣食足惆悵
獨風塵

平望晚眺

水驛知何極
秋懷感易生
平湖千柳色
落日一鐘聲
失意愁論命
逢人悔近名
祇今蒼雪上
誰得樂躬耕

意愁論命逢人悔
近名祇今蒼雪上
誰得樂躬耕

杭州夜泊

小泊初黃楊
柳南到聽無月
水空涵曉來
微雨東風緊

桐華廟詩集卷一

五

十稜春泥正種蚶

吳中春日感懷寄五弟夢蓮
瑞駒及王月川
友端

流水光陰去不回
客中身世重徘徊
情深兒女非奇福

名借文章亦散材
古鐵何曾難就冶
焦桐畢竟不成灰

今宵且醉隣家酒
百尺樓頭問月來

滿城燈火動春寒
獨夜蒼茫感百端
熱肯因人終局促

貧能自立信艱難
十年白屋瓊空守
一笑朱門瑟不彈

南北友朋思諾責
謂許訥生茂才時
尺書珍重袖中看

客愁爭似酒頻添
俯首遺編歲月淹
歡會從來如嚼蠟

隱居何處學垂簾但憑譽毀爲風雨豈有聰明出米鹽
未到凍雷催啟蟄池波一例老蛟潛

世路如碁劫不清幾曾識字累浮生經寒花木神逾足
出險山川畫始成權喜心須師玉局升沈命莫卜君平
遙知折節燈前夜啼盡荒村杜宇聲

花會歎 有序

太守達秀號毓峯守徽州時吾歛花會盛行北鄉有
許雙喜爲之倡太守夜往捕之其風遂息

我隣老姥深夜啼開門問之聲慘悽言兒賣宅趁花會

桐華廟詩鈔 卷一

六

今夜風雨無依棲我聞此言長太息花會之禍禍斯極
况乃吏胥爲奧援北鄉滋蔓西鄉連幸哉得遇太守賢
夜折其首羣悚然脅從脅從云舍旃寬以濟猛蒲鞭懸
蒲鞭懸人奮起羣道毋爲許雙喜

富溪夜歸

曠野黑如墨西風葉亂飛入村尋酒肆問路欵荆扉淺
瀨漁榔響平原獵火微閒游亦云瘁况乃遠人歸

有贈

綠楊城郭亦天涯流寓經秋感歲華豪氣猶存聊縱酒

情根未斷且看花拋殘紅豆空題怨坐近青燈輒憶家
懷抱長愁雜醒醉更愁玉樹倚蕪葭

金尊檀板暗消磨一曲西風奈爾何明月幾曾連夜好
孤花知否過時多虎邱春去仍歸夢瑩苑秋高等逝波
苦恨年年種瑤草藁礎都付懊儂歌

笑煞游蜂巧竊香六張五角此歡場無言何事憎鸚鵡
有約終須聘海棠燭影徘徊雕玉押啼痕珍重舊霓裳
瀕行羅帕勞持贈未問重來已斷腸

休言紫玉易成煙秋月春風總可憐擊楫難迎桃葉去

桐華廟詩鈔 卷一

七

離杯貪作柘枝顛回文錦斷絲猶續心字香燒篆不圓
安得奇章留杜牧爲聽官鼓曙鐘前

吳孺人挽歌

冬來老樹慘僵立枯葉無聲曉光溼上有慈烏別子聲
一聲兩聲天欲泣聞之哀痛誰最深却是辭根寸草心
茫茫翠水之荒渚夢入娥臺不能語天涯入夢歸難見
零落春暉衣上綫綫未滅衣如雪機聲燈影百年徂淚
灑總惟空化血

姜玉溪大令 官綬 秋山讀書圖

松關無客畫常局種罷名花手一經金蓋山前黃葉冷

秋聲如雨夜燈青

鄒虛谷刺史

崇孟 詩中皆遺言中事 先德青霞先生遺照

抗志緱山鶴棲神大洞經先生不可作風木忍同聽入

道衣冠古遺文筆墨靈至今阡表上猶識少微星

寒柳和牛仲遠刺史

翰鈔

水落寒塘路不沙白門秋盡又天涯笛催往日曾歸燕

村冷斜陽尙暮鴉踏雪何人歌曉月渡江有約待梅花

攀條悽絕桓司馬况復離愁逼歲華

桐華廟詩鈔

卷一

八

沈友竹觀察

雜環

輞川清興圖

一徑綠雲絲翛然鸞鶴吟幽居二分水古調半生心明

月如相語藍田何處尋高風鞅塵網結契此君深

大風過齊河

帆落船猶駛方知風力橫中流雷雨黑萬命羽毛輕天

意無夷險人心自死生筮篋休再唱處處海潮聲

齊河食鯉魚

昔食河之鯉今從濟上漁波濤終誤汝口腹漫嗟予蕭

瑟寒宵酒飄零遠道書可憐營一飽數郡歎其魚

禹城道中

三載野無禾嗟哉瓠子歌荒墟惟識樹官道亂成河地

拆雙流合

謂運河

金銷萬古多巢居聞夜哭里正又催

科

喜晤禹城尹王伯尊同年

成謙

停驂惆悵望斜暉斗大孤城水四圍幸有中車尋別徑

暫傾濁酒話塵機名場感慨蘼鱸夢澤國淒涼稻蟹肥

漸喜故園烽火息深宵共聽雁南飛

平原懷古

桐華廟詩鈔

卷一

九

寥落平原縣天寒萬戶貧誰揮知己淚我亦報恩人立

馬風如吼荒墳酒不春低眉論肝膽愧煞拜車塵

偶見

橫流不到處秋穉滿平泉落日村春急疏林雁字高籬

開看飼鴨社散尙呼醪咫尺分憂樂桃源夢想勞

葛芝山行

有序

芝山諱鏞江蘇上元人少孤貧讀書僧寺遇異人授

以砭法貧者不取一錢有貴人招之弗往也暇輒覓

佳山水獨游癸丑春粵賊陷金陵脅爲醫官不從與

妻周氏同殉節賊發其塚無所得而去隣人重瘞之
當塗馬君壽齡爲立傳

石頭城邊白日愁舳艫蔽江江不流石頭城中烈士死
壯哉葛翁誰與儔翁家蕭然徒四壁孤露讀書雙淚滴
萬卷圍身千載心一燈照影三更碧冬來破寺風怒號
宵深雪大書聲高文場轉戰久不利且從廬扁攻主刀
學醫不學長生訣術可活人聊自活以資作鍼古砭法
妙手空空得衣鉢興來遊戲山水關綠水青山任往還
雙槳划春桃葉渡一筇踏月古長干江山黯慘忽飛檄

桐華舸詩鈔卷一

萬里風煙歷天黑儀鳳門開事已非夫婦相呼肯污賊
藏金散盡門不扃生恨不爲雷海青明知一死亦無益
不死乃覺慚吾生賦忽求醫授醫職此身清苦亦能得
骨肉甯爲賊所殘怒容不改生前色幸有隣人骨復收
孤墳三尺少松楸深夜悲風入林莽如聞殺賊聲啾啾
嗚呼翁操一技等閒耳見危授命何其適當其一錢不
妄取早知翁意非凡伍至今多少病顛連回首思翁如
尖怙嗚呼翁死誰接武他日豐碑爲翁樹秦淮嗚咽蔣
山青只有翁名同萬古

桐華舸詩鈔

雜感

高高參天柯餓鴉嘯而上上有鳳凰雛風吹墜塵網呼
嗟天地閒白黑粉恂恂昔我羈京華雪花大如掌日午
炊無煙閉門月照幌淒涼乞米書含淚不可仰猶夢兜
率天夜放方千榜鼓吹東家隣喧喧踏燈賞縱酒狂呼
盧一擲錢百緡心酸歡在目極鬱發奇想手作王陽金
造成大厦廣八百孤寒聲化作鈞天響利那火坑中青
蓮開十丈破涕向天呼寒空星朗朗

蔡玉棠明經懋籍以詩見贈依韻奉酬

桐華舸詩鈔卷一

紅黃霜樹錦初裁秋色看從驛路來水漫渾河鴻影瘦
病蘇客館菊花開余自德州勘水回病齒方愈流連佳節登高酒惆
悵南朝戲馬臺時方重陽徐州戒嚴等是長安居不易春風野火
孰憐才
詞如白雪氣如雲難得巾車過從殷語有性情眞益友
人無憂患不工文深宵看月同傷別故國銷兵更慰君
笑指明年龍虎榜墨花飛舞掃千軍
感懷二律疊前韻奉呈玉棠
時世粧成妙別裁五銖誰信乞仙來淚從白雁霜前落

花在黃梁夢裏開投筆已難飛食肉望雲猶自強登臺
暮天千里孤鵬迴不到秋風亦不才

廿年蹤跡幻浮雲搔首書空也學殷獨夜自吟枯樹賦
故交猶贈草堂文干戈寥落嗟行路肝膽蒼涼說向君

銅柱南天誰建得新安江上正從軍

感懷詩意有未盡再疊前韻示夢蓮

插茱萸句漫裁阿連差喜賊中來乍談往事驚無定
猶憶家書怯自開拾橡誅苜盤烏道殘烽斷瓦射蛟臺
臺在歙之篁墩賊由此渡河今朝夢寐重相對作吏應慚馬上才

桐華舸詩鈔

卷一

三

塵市懸車懶似雲催租偏覺叩門殷明知得失蕉前夢
枉說功名掌上上文國士競誇蘇季子美人終負信陵君
不平世事東流水絲竹中年感右軍

敝袍風裂不堪裁聽雨高齋舊雨來話到寒燈挑欲盡
愁如落葉埽難開棋低一著慚翻局謂潘少菊明經許訥生茂才骨

市千金槍築臺金向三師汪菴梅丈相繼物故回首山中聞笛處誰收

詩卷獎遺才

去住無心出岫雲田園歸思日徒殷年年乞米淒涼筆
事事磨鍼懺懺悔文黃海天邊招羽客白頭波上望桐君

會開三徑培松菊且學逃禪門酒軍

齊介平同年世澄悟陰邀月圖

放眼空今古觀書下濁溲淵明有松菊仲蔚亦蓬蒿一
自浮沈久何堪車馬勞羨君桐上月常照酒屋高

別離曲

寶鏡團欒銀漏永鐙紅照暖人雙影鏡白無言人白單
高樓春盡闌山寒錦字生塵花欲笑夢啼舊事疑闌干
去年折柳長干側流水盈盈情脉脉今年折柳認啼痕
春到啼痕青不得空閨濕盡舊羅衣灞上西風雁又飛

桐華舸詩鈔

卷一

三

年年苦憶橋頭卜夫婿封侯歸不歸

過長清尹家山口

車行犖磽響嶢峴如此羊腸膽亦寒山脊斷疑神斧劈
石聲礙作碎冰乾屋傾幾訝輪空轉沙滑翻愁馬倒盤
見說前臨尤險絕可知蜀道上天難

宿楊家台冷甚借火盆不得感賦

霜嚴裘薄粟生膚向火俄思覓地爐大庇歡顏空有願
獨禁僵臥與誰俱暗塵影落燈昏壁凍鐵聲殘馬鬣芻
昨夜重幃聽雪處熏籠此際暖消無

向隣家借得瓦盆喜甚

斗然老屋覺春回土銚生煙亦快哉悲喜無端憑影笑
升沈如此肯心灰窮途自是舍恩易異地方知乞食哀
浩浩狂瀾誰與挽萬開廣厦手中來

時黃河
北決

浮雲

一笑浮雲舒卷忙忽然釀雪忽斜陽絕交書敢談中散
縮地方誰乞長房遠夢如煙燈自語窮龕無佛鬼能王
水仙天竹椒花酒猶向寒宵祭錦囊

消寒十詠

桐華舸詩鈔

卷一

十四

碧漢蒼涼北斗低重門往復自栖栖半城月慘烏頻起
萬帳霜濃馬不嘶砧杵漸休音斷續關山都向夜淒迷
年年敲破江南夢况乃江南尚鼓鼙

寒折

光陰憶否餉東窗一曲窮年唱屢屢窳坼凍泥煙散易
薪含晴雪簇生遲冰心那肯因人熱菜色由來似已飢
却羨田家輸稅早負暄檐下飯香時

寒炊

寥天如此急悲筵廝養恩深亦自嗟久伏壯心同烈士
且修瘦骨到梅花眼中芻豆雞疇月夢裏功名雁磧沙
歲晚長楸荒落甚啄瘡無賴是餓鴉

寒樾

楚尾吳頭冷信催朔風時捲浪花堆峭帆撐雪沈荒渚

獨鶴盤煙下釣臺餘怒難消殘日短淒聲猶帶斷冰來

誰留八月枚生筆萬丈靈濤紙上回

寒潮

桔槔斜處隔疏林槐火何堪句重尋玉虎牽回晨氣暖

銀牀凍合古苔深一畦灌溉幽人菜百尺澄清烈女心

最是枯桐枝上月夜闌來照影沈沈

寒井

背水依山翫作屏參差斥堠互亭亭前村往日登觀稼

獨夜何人起看星林表高收鴉陣黑江干遠瞰鬼燐青

客程憶傍黃牛峽倒影空波石氣腥

寒堡

桐華舸詩鈔

卷上

十五

製等龍鬚八尺新也將絮果證前因戀餘鴛枕惺忪夢
悽絕牛衣涕泣人長夜難温還借火早朝如昨又愁春
可憐翡翠嗟誰共南內秋燈已愴神

寒衾

花萼年光付墨磨青瑣相伴兩婆婆雲疑半玦爐頻炙

竅起微凹筆屢呵暖日烘時春氣早人情冷處石交多

著書閉戶長松下古鐵淒然奈老何

寒硯

萬緣寂息此枯宵百八淒鏘聽轉遙風急時兼鈴鐸語

山空疑有鬼神朝敲殘霜氣鏗難歇墮入江聲凍不消

猶憶烏啼舟上夜兩三星火泊楓橋

寒鐘

露滴銅荷穗半抽凝輝耿耿夜悠悠讀書味永青生壁
斷雁聲酸白滿樓歲暮催人三尺影天涯照夢五更愁
誰家刀剪停虛幌還倚熏籠數曉籌 寒燈

寒宵感舊詩 并序

僕本恨人中年多故一官匏繫遂隔關河故鄉師友
之間感恩知己有不能已於言者冬夜寂寥挑燈兀
坐振觸往事追悼成詩仍向子期思舊之名抑庚元
規報書之祭云爾

金向三夫子 讓恩

桐華柳詩鈔 卷一

共

夜話燈前不可尋師門回首太傷心 余二十歲初度
夫子贈句有云燈
前知否傷心話輸汝
狂來斫劍天俱窄愁到書空病已
深元亮翛然聊飲酒隱安貧甚尙揮金千秋枉許生花
筆宿草墳邊哭賞音 家覺生伯程春海姻
丈均以江文通相許

汪菴梅世丈 允中

卅年門徑掩蓬蒿南阮聲華獨縕袍胸有古人難放筆
丈為詩文 世無知己易吹毛 咸豐紀元舉孝廉方正 畫
重格律 有尼之者事遂中止 畫
廚小劫琳瑯盡黃海游蹤笠屐高 丈喜收藏身後零落
山二十 何日遺文付中壘溪樓空想夜揮毫
餘度

趙影泉布衣 季祚

二十年來暗斷魂丹青零落水雲村 君工 畫 高情每下西
華淚豪氣猶開北海樽詩賭花朝忙折簡棋談雪夜冷
敲門如何重訂黃山約兩月分攜竟九原

仇艮山上舍 如金

無臺避債我何堪君口懸河抵贖事笑含沙形隱隱
余家夙適幾成訟 君力排解之力已交深醇酒味醞醞青銅小印摹三體
紅豆新詞署一龕 君工篆刺嗜填詞 有紅豆詞人之印 無奈文章總憎命
幾曾秋賦到江南 屢欲就試金陵 辛以事不果

桐華柳詩鈔 卷一

七

胡研芸茂才 那桓

少小相攜侍鯉庭 君為余師簡 空先生季子 筆端奇氣走雷霆憤深
論事心難白 館於某氏以 事齟齬而散 冷處逢人眼不青 歷盡艱難
羞乞米奄然身世委浮萍 君以陸 蓋棺一霎真酸鼻 母
病三年子二齡

汪雲海明經 偉

翩翩才調氣如虹京洛飛觴為小紅那肯貧交忘范叔
可憐死孝似王戎 先德盡臣姻 丈先一年卒 論交徒羨雲中鶴涉世
翻驚海上鴻歐血酸辛金散盡恨無奇檄愈頭風 以頭 痛卒

江小芸內弟 文錦

流寓揚州玉樹枯 檳榔乞我每長吁 生常哭弟家中落

死不離親孝太愚 君因仲弟天事岳母陳恭人尤至遂同殉揚州之難 文捷八叉

方絲髻歸纔半載竟黃墟 回歛省墓通眉長爪人如鶴

泉下何堪泣掌珠 子四齡亦全死

江小浦茂才 蔚文

照眼旌旗枉不平 當年秋水恨分明 拔釵沾酒空賢婦

聽雨聯牀剩阿兄 居似長安常賣畫 以賣書畫自給 人如短李

更談兵 因帶勇致疾 驚魂何處呼 難起月黑前山戰鼓聲

桐華舸詩鈔 卷一 大

程鶴秋茂才 立義

獨行何慚綽楔開 儒冠殉節亦悲哉 家移黃海謀終誤

血灑青山志不回 鴟鳩聲寒雙樁掩 伯兄全殉科名草泣九

京哀天涯酌酒疑 君在應見提戈夢裏來

方鑑湖茂才 之湜

兩度程門翰墨緣 殷勤猶問識塗先 嘔心文字終傷命

到頂聰明亦損年 春夢殘蚪淚月秋 風鬼哭秣陵船

至今古寺清溪上一憶 書聲一恫然 君嘗讀書余村竺溪寺

程蘭舫孝廉 廷瑛

昔年同賦悼亡詞 衣染京塵欲化緇 腸斷蘇州貧賤女

魂銷伯道病思兒 孤燈話雨長安夜 行囊分金祖道時

高誼生平今宿草 不堪鹽筴誤歸期 王子歲全君北上余留都中君以改

業離返東臺嗣因江甯失陷抑鬱死

鄭澆香明經 復光

歸裝蕭瑟鬢絲絲 猶憶京華煮酒時 獨有筭章參漢律

空餘籀筆仿秦碑 病依問里還傷亂 貧典圖書不療飢

垂老尚揮思子淚 淒然遺研付伊誰

族兄子遠離尹 廉

桐華舸詩鈔 卷一 大

天到才人福命慳 烽煙萬里一官屏 鯨濤遠涉攜孤僕

虎口餘生慟小蠻 繞道航海中途交頰 往事淒涼燈下酒 都門三載過從

尤 般何年歸去夢 中山 兄慙官半載而家書每說歸川不意竟成語載 風塵莽莽

猶知我望斷羊城素旆還

感舊詩成不勝悲矣 再賦短章用以當哭

牢愁萬斛付哀詩 颯颯寒宵鬼唱時 賤日論交空酒涕

故人入夢已無期 客窗風雪燈如豆 戎馬關山髻欲絲

惟有性情難泯滅 九原應亦寸心知

古意

烏桓家兒騎上頭驢驕之馬吉光裘臙脂坡上夜燈出
 不知買醉誰家樓玉簫激楚人何處明月如煙雪中路
 觚棧回首碧雲邊溫室傳呼天未曙歸路金蓮踟從譚
 笙歌竟謝武安家柳市尋歡走鴛牒富筵一曲人如花
 玉條脫金步搖蘭澤四溢纏頭豪漏盡金吾不敢禁雲
 屏猶指明星高座中惟有金安上酒罷听然脫寶刀寶
 刀相贈笑相語明朝射獵南山去

泰山盆松歌

松株偃蹇長尺半松鬣披披青數寸皮皴骨瘦含古春

桐華廟詩鈔

卷十

十

烟霏霧結難寫真闕置虛堂風颯颯千霄之勢仍嶙峋
 我聞泰山萬仞之高頂上有千松萬松影散作千巖萬
 壑聲寒濤縹緲空中行羣真來往鸞鶴嘯蕩成雲氣光
 青冥大松夭矯破空走毋乃山靈默相守小松石罅根
 不高一旦沈淪落樵樵攔束縛爭春手或蟠如蚊蚋
 或揉如杞柳貴者培以定州瓷賤者泥泥率瓦缶人為
 盆松嗟我為盆松壽珠光劍氣人間有君不見吳人舉
 下桐時無中郎誰見容又不見孔明廟前柏材大飄零
 杜陵惜何如終老瓦盆中幽人賞心冬復冬化龍儻返

碧霞宮笑謝海日扶桑東在山出山感知己豈必爛漫

唐花紅

為家子年八兄康作落花圖兄有落花十二律
余愛之因繪此

滿目煙塵何處家故山猶憶日西斜呼僮却掃松陰下

忍向東風問落花時徽郡
失陷

送汪和仲孝廉春南歸

馬上盧溝月年年獨送君殘尊猶昨夜長語易斜曛落

葉淒清夢依人聚散雪黃山亦烽火何處不離羣

黃筌伯大令鍾岳銀屏花影圖丁巳七夕四十壽
作有感懷詩八律

桐華廟詩鈔

卷十

十

一鈞涼月梧桐井雲母屏前動秋影天街如水望牽牛
 為感華年付萍梗萍梗飄零不自由美人團扇又驚秋
 秋花那比春花好鏡裏朱顏秋更早安得西風不作寒
 花意泥人紅不老一尊含笑祝花前年年共乞天孫巧
 長清至東阿道中感賦
 瘦馬踏殘月河流天外聲春寒壓荒野凍雀聚孤城齧
 雪喧墟落懸巢託死生催科向何處徒羨長官清
 槎枿食都盡東風吹不青屢飢商估遁空市髓魚腥只
 剩三星在還愁萬馬經時過江
南官馬水衡